

PILUAQNANGITTULIQUITIT ATANIUYUNUT NAINAQHIMAYUQ

Ilaliutiplutik ilittugininut atutqikhalat pivaliatitni tahamani Kanataup Ukiuqtaqtuani hivuliutyaqni tapkuat Avatiligiyit Kanatami (EC-kut). Tapkuat Timiuyut pinahuat piquaqtitninik naunaiyainiqmut qauyimauiyut tapkuat ilaliutyaqninut ihumaliugutit pivaliatitauiyunut, taimaittumik tahapkuat tamaita ilauiyut havaqatigiktut atuqpiagahuaqhugit mikiniqpamik aktuanit tahamunga pitquhianut avatigiyauiyut, tahamnalu uumatyutauiyut nakuuhimani huniumaittumik taimainginaquplugit. Pinahuaqhugit tahapkuat piyaunahuat, tapkuat Timiuyut naunaiyaqtaui tapkuat Qanugittunia A imaqlumut laisakhamun tukhigaut piqatailu ikayuqhiutit Upalungaiyautit tuniyai tapkuat Shear Diamonds-kut taphumunga Jericho Diamond Uyagakhiuqvik tapkununga Nunavut Imaligiyyit Katimayit (NWB-kut).

EC-kut tuniyai pinahuaqtut pityutauiyunut tugangayut immap qanugitnianut, imaqlumittut aktuanit munagininut, aulatauni halumaittut nunat umiknilu halumaqtigaunilu tahapkuat piyut tapkunani EC-kut havagiyaqaqtainut havagiyauni.

Piplugit immap qanugitni, EC-kut atugahuaquyai pukhivaliqni kuvipkaqnikiqlikhai nitrate tapkuatlu nitrite. Ilagiplugitluttauq, EC-kut atugahuaquyai Katitlugit Amuyaulat Hydrocarbons aulataupquplugit tapkuangungittut Uqhut Uqhuqtigutitlu, piplugit hivuagut kuvipkagauttaqnit tapkuat uqhukhat hydrocarbon-halumaiqhmani immat talvunga Havakhimayut Qiplagiktulgit Hiamaktailivia (PKCA-nga). Kinguliqpamik, tapkuangungittut ihuaqhaqni kuvittaqnit maligakhat tapkununga Katitlugit Immamut Akutni Naptunit tapkuatlu chloride, EC-kut atugahuaquyai tahapkuat munagiyauni utaqilugit atuttiaqtumik kiklikhai ihuaqhiyaulat, tapkununga havat ukuat piyauni atuqtitlugu una laisa hivitunikha.

Naunaigahuaqhugit hivuganalaqnit nauhimayunut angutikhanutlu tahapkunani imaqaqniuyuni, EC-kut atugahuaquyai atuqattaqni aqayait tapkuatlu uumayuvaluit tuqunaqtitaulaqnit uuktugaqni halumaittut immat ilaliutilugit atugiaqaqtunut tapkununga Shear-kut nutanguqnia laisa.

EC-kut naunaiyaqni tapkuat Shear-kut Imaqlumittunut Aktuanit Munagininut Upalungaiyautit (AEMP-nga) naunaiqtat pilguqaqnit tugangayut pilguitnut tugangayut tapkununga upalungaiyautit, tapkuat Shear-kut havakpaliyai tahapkuat. Piplugit tahapkuat atuinaqnit pinahuaqni, EC-kut atugahuaquyai Shear-kut tunihini nutanguqhimayunik AEMP-nga qangiqtitnagu 2 ukiuk taphuma laisa nutanguqniani.

Naunaittiaqninut Shear-kut iniqtigutai tapkuat imaqlumiutaqnut pivaknit namapniagiangi talvani Tahi q C3 piplugit nigugini halumaittut imaiqtai qanugitni kuvititaunit talvunga PKCA-nga, EC-kut atugahuaquyai mitquqpalkutunut aviktauninut naunaiyaqni atuquplugit tahamani kuvitiitauvikhap ukiup ilani naunaigutauiyut humut halumaqtittut immat tugagiakhai kuvipkagaugangamik.

EC-kut naunaiyaqtaui Shear-kut upalungaiyautai tapkuat aulatauni halumaqhaqnilu halumaiqhmayut nunat naunaiyaqlugitlu pilguit tapkuat tuhagakhat. EC-kut

atugahuaquyai Shear-kut piqaqtitnik nutanguqhimayut Upalungaiyautit uingaittumik unniqhimayunik aulatyutai halumaqhautitlu tapkuninga hydrocarbon-haulaiqhimayut nunat aniguqtitnagu 1 ukiuq laisa nutanguqtaunianit.

Piplugu tapkuat Shear-kut Umiknianut Halumaqtiqnianutlu Upalungaiyautit, EC-kut atugahuaquyai Shear-kut uuktugautikhai qanuqtut iluttuqtiqnianik nuna immiqtuqtiginia, qanugiliuqnikhalu nunamit immaq piniagiakha. Uuktugaqtauni piyauyukhat piyagakitnahuaqlugit, ilaqaqtukhauyutlu iluttuqtiqhimayumi imaq qanugitnia tamaitnutlu havakvikmi imaq naamakhihimani immaplu qanugitni.

Kinguliqpamiklu, ihumagiplugit amihut ahianguqnit nigiuqiyauni nutanguqnianut imaqmut laisa, EC-kut quyagilaqta pikpata NWB-kut tuniuqautigini uuktugaut taphumunga nutakhaq laisa pityutiliknut naunaiyaqni hivuagut kinguliqpamik maligait atuqtakhatlu taphumunga laisamut.

Avatiligiyit Kanatami quyagiyumayai tapkuat NWB-kut pivikhaqaqtitni uqauhikhanik tapkununga Shear Diamond-kut imaqmut laisa nutanguqnianut tukhigaut nigiuqpugutlu tahapkuat piluaqnaqtuliquitit uqauhit atugahuaqunitlu atuqniqattiagiangi tapkununga Katimayit ihumaliugutainut pityuhinut. Avatiligiyit Kanatami upiguhukhutik tukhiqtut pilaqninik tunihiniq ilagiagutinik titatigut uqauhiqnik kinguagut tapkuat inungnik naalaktitiniq ihuaqhinaqhugit kitutliqak nutat tuhagakhat hatqititni naalaktitiyuni.